

疆 楚 書

又和朱約山自壽曲時壽八十四

五朝壽俊算生平占得淳熙四四三萬六千三萬了臙
有一千饒底三百年閒和風麗日幾箇能銷此約山山
笑先生不負山矣 今歲甲子重陽待重數五百十三
甲子吟萬首詩更自和歲歲壽詩自喜若比潞公如今
年紀猶是平章事先生撫掌問他閒日能幾

又同舍延平林府教製新詞祝我初度依聲依韻還祝

當家

西風處士例一枝團月咸平印印千古詩宗傳不絕至
竟被渠道盡雪返香魂霜吹曉怨肯受東君聘羅浮夢
轉尋環知是誰孕 未說煙雨江南垂垂青子須要調

金鼎愁絕西山明秀處依舊鶴南飛影我白君元君詞
我和各自爲長慶後來桃李遙遙別是花信

又五日和尹存吾時北人競鷺洲渡

棹歌齊發江雲暮吹得湘愁成雨小酌千年知他是阿
那年時沈午日落長沙風回極浦黯不堪延佇吳頭楚
尾非關四面爲楚幾度喚起醒纍淋漓痛飲不學愁
余句踏鯉從黿胥濤上怎不成龍去越女吳船燕歌
趙舞世事悠悠許明朝寂寂雙雙飛下鳴鷺

又怪梅一株爲北客載酒移真盆中偉然

歲寒相命算人闕除了梅花無物窺宋三年又不是草
草東鄰繫壁偃蹇風前沈吟竹外直待天驕雪白家人

至一枝橫出終傑 寂寞小小疏籬探花使斷知復何
時發北驛不來春又遠只向窗前埋滅好在冰花著些
風籜怎不清余髮補之去後墨梅又有明月北人著小
竹花閒更

又漫興

遙憐兒女未解憶長安十年前月徙倚桂枝空延佇無
物同心堪結冷落江湖蕭條門巷猶著西樓客李舍人
班舊節
蕭天客嘗言
真中秋之盛恨無鐵笛一聲吹裂山石 休說起舞登
樓那人已先我渡江橫楫圓缺不銷青冢恨漠漠風沙
如雪西母長生素娥好在何皓當時髮山河如此月中
定是何物

又中秋彭明叔別去赴永陽夜集

團團桂影怕人道大地山河裏許舊日影娥池未缺驚
斷霓裳歌舞雪白長城金明古驛盡是乘槎路少年白
髮自無八駿能去猶記流落荒濱故人相過共吹簫
前度無酒無魚空此客昨夜留之不住睡起披衣行吟
坐對又有重圓處不知今夕那人有甚佳句

又中秋待月

城中十萬有何人和我烏烏鳴瑟對影姮娥成三處誰
料尊中無月翦紙吹成長梯摘取兒戲那堪惜洞庭夜
白一聲聊破空闌休說二十四橋便一分無賴有誰
誰識一枕秋衾南北夢好好娟娟成雪舊日少游錦袍

玉笛醉臥藤陰石蕭然今夕無魚無酒無客

滿江紅海棠下歌後村調共和

淡淡膩脂似褪向景陽鷲石依然是春睡未足捧心猶
癖藉甚不禁君再顧嫣然卻記渠初拆黯銷魂欲盡更
堪憐終難得猶記是卿卿惜空復見誰誰摘但當時
一笑也成陳迹我嬾花殘都已往詩朋酒伴猶相覓聽
連宵又雨又還晴鳩鳴寂

又古巖以馬觀復遣舟約余與中齋和後村海棠韻後

寄述懷

何許相求且不是南溫北石也欲學絕交高論自陳余
癖萬里魚書長記憶十年波浪傷離拆算此舟不是剡

溪舟空回得 非出處何須惜 非瓊類何須摘 看雪銷
鴻去有何留迹 安石豈無同樂意 玄真不是朝廷覓 但
眼前真率暫相違 歌聲寂

又

鶯語依然但春去 人間無約誰念我 吟情憔悴魂落
魄盡日只將行卷續 有時自整殘棋 著向黃昏細雨 悶
無憀 青梅落 南又北 相思錯 朝異暮人情 薄漫躊躇
在目 蒼華如昨 海底月 沈天上 兔遼東人化揚州 鶴記
龍雲波浪 豈能平天難託

又壽某翁

十歲兒童看騎竹 花陰滿城與新第 桐鄉孫子高下齊

生倚枕不尋柯下夢舉頭自愛橋中名但有時米價問
如何公助平東西塾聽書聲長短卷和詩成總神仙
清福前輩家庭試問凌煙圖相國何如洛寺寫書英甚
天公屬意富民侯銀信青

八聲甘州和汪士安海棠下先歸前是觀桃水東至其

鄉真常觀

問海棠花下又何如玄都觀中遊歎佳巢蜀錦常時不
數前度何稠誰見宣華故事歌舞簇遨頭共是西江水
不解西流在處繁華如夢夢占人年少生死堪羞任
傾城傾國風雨一春休醉逢君何須有約醉留君繫不
住扁舟空又失花前一笑綠盡芳洲

又和鄧中甫中秋

看團圓一物大如杯時復幾何秋
俯天涯海角今來古往人物如流
想見霓裳歌罷無物與澆愁
惟有當時樹香滿瓊樓誰念南樓
老子倚西風塵滿心事悠悠便
班姬袖裏明月一時休
歎年年吹簫有約又一番
鶴夢雪堂舟池上久滿身風露
還索衣裘

又賀詞

記前朝鶴會又重來攀翻第三桃
看雲華投策麻姑擘脯羸女吹簫
尋思曲江舊事宮錦勝龍標
奏罷清華夢獨立春宵不數
相州錦樣是調羹御手重解金貂
但今年此日疏了醉葡萄
聞老仙衣冠皓偉又丁寧天語

著兒招都人望回班賜第赤烏飛朝

又和蕭汝道感秋

但秋風年又一年深不禁長年悲自景陽鐘斷館娃宮
閉冷落心知千樹西湖楊柳更管別人離看取茂陵客
一去無歸 都是舊時行樂漫煙銷日出水繞山圍看
人情荏苒不似鷓鴣飛聽砧聲遙連塞外問三衢道上
去人稀銷凝久殘陽短笛似我獻秋

又送春韻

看飄飄萬里去東流道伊去如風便錦纜危潮青山御
宿煙雨啼紅愁是明朝酒醒聽著返魂鐘留得春如故
了不關儂 春亦去人遠矣是別情何薄歸興何濃但

江南好口未便到芙蓉念今夜初程何處有何人垂袖
舞行宮青柳留君如此如此思思

又春雪奇麗未能賦也因古巖韻志喜

甚花閒兒女笑盈盈人添雪獅成任踏青無路凌波有
地步步光塵招得梅妃魂也好似去年春柳亦何曾絮
都是雲英 休道東皇誕漫誕之到茶煙歇後誰澗誰
清賴謝娘好語端勝解圍兵看昨朝天公雨粟定大家
快活社翁平春晴好浴浴雨盡聽賣花聲

水龍吟寓興和異吾韻

何須銀燭紅妝菜花總是曾留處流觴事道繞梁歌斷
題紅人去繞蝶東牆啼鶯修竹疏蟬高樹歎一春風雨

歸來抱膝懷往昔白淒楚
遙望東門柳下夢參差欲
歸幽路斷紅芳草連空積水
憑高墜霧水洗銅駝天清
華表昇平重遇但相如老去
江淹才盡有何人賦

又壽周耐軒

多年袖瓣心香重新拈出爲公壽
喚起老龍如今正是
欠伸時候弱語聞鶯輕陰轉柳
絃薰未透信江南自有
眞儒未用須待見袞和繡
聞說鋒車在道更四輩傳
宣來驟蟠胸何限天門夜對
春宮晨奏梅子陰濃菖蒲
花老桔槔閒後但北關下澤
遺民社在賀公歸畫

又

看人削樹成槎布帆海上秋風浪
白頭坡老知津水手

倚枕椰杖九點齊州半生髀肉煙塵蒼莽但北窗夢轉
青陰滿眼撫陳迹玩新漲 世事艱難已徧笑而今不
堪重想龍筋虎骨根深伏兔擊空千丈禮樂文章終須
夢卜南人爲相問淩煙生面他時彷彿似何人像

又和清江李侯士弘來壽

閒思十八年前依稀正是公年紀銅駝陌上烏衣巷口
臣清如水是處風箏滿城畫錦兒郎俊偉但幅巾藜杖
低垂白鬢用與綺問何里 最憶他年甘旨也曾經三
仕三已至今結習餘年未了業多生綺安得滕廬移將
近市長薰晉鄙望福星炯炯西江千里待公來社
又和南劔林同舍元甲遠寄壽韻

多年綠幕黃簾瓶花黯黯無誰主荀陳迹遠燕吳路斷
何人星聚四聖樓臺水仙華表冷煙和雨但徘徊夢想
美人不見空猶記鐵鑪步過盡涼風天末墮華賸行
行飛翥一端翠織錦鯨茅屋天吳驚舞時林奇被纈為禮念我
何辰涸陰冰子生憐金虎恨兒癡不了山川悠緬共君
鬢字

又巽吾賦溪南海棠花下有相憶之句讀之不可為懷

和韻並述江東旅行

征衫春雨縱橫何曾溼得飛花透知君念我溪南徙倚
誰家紅袖藉草成眠簪花倚醉狂歌扶手歎故人何處
聞鶻墮淚春去也到家否說與東風情事怕東風似

人眉皺亂山華屋殘鄰廢里不堪回首寒食江村牛羊
北隴茅檐酌酒笑周秦來往與誰同夢說開元舊

又和中甫九日

孤煙澹澹無情角聲正送層城暮傷懷絕似龍山罷後
騎臺沈處珠履三千金人十二五陵無樹歎岐王宅裏
黃公壚下空鼎鼎記前度幾許英雄文武酒不到故
人墳土平生破帽幾番搖落受西風侮昨日如今年
此會倏然懷古便東籬甲子花開花謝不堪重數

冥春臺壽周耐軒

五十三年韶華剛度今年夏五十三瑞鶴朝來待公彌
月重探人生貴壽多男看爛斑室添箇荷衫□□□亭

亭八面醉倚紅酣 承平故事暇日清談雲龍風虎塞
北江南午橋午枕羲皇白日如快手種蟠桃明年看取
實大如柑柰何堪天妒人睡美趣趁朝參

掃花遊和秋崖見壽秋崖時謁選留詞去

春臺路古想店月潭雲雞鳴關候巾車爾久記湘纍降
日留詞勸酒不是行邊待與持杯論斗算吾壽已待得
河清萬古晴晝 京國事轉手漫宮粉堆黃髻妝啼舊
瑤池在否自劉郎去後宴期重負解事天公道是全無
又有悟溪友笑悟溪至今聲叟

憶江南二月十八日臞軒約客因問晏氏海棠開未卽

攜具至其下已盛甚

花幾許已報八分催卻問主人何處去且容老子箇中
來花外主人回年時客如今安在哉正喜錦官城爛
漫忽驚花鳥使摧頽世事只添杯時有稱宣使折花者蓋詐也託以肆陵慢
梅花引壽槐城

酒熟未梅開未去年遲待重來醉笑當筵舞當筵惟有
今年八十是開年參差野袂成歸鶴石鼎未開容剝
啄歲開尊歲添孫孫又開尊福曜萃高門

蝶戀花感興

過雨新荷生水氣高影參差無謂思量睡夢裏不知輕
別意醒來竟是誰先起去路夕陽芳草際不論闌干
處處情懷似記得分明羞擲蕊自知不是天仙子